



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. V. De contentionibus Hincmari cum summo Pontifice occasione
Hincmari Laudunensis, & Regni Lotharii.

urn:nbn:de:hbz:466:1-38227

114 TRACTATUS DE LIBERTATIBVS,
ne Clericorum ab Ebbone ordinatorum , quos Papa restitu
jusserat ; OSTEPPERARE CVRAVI RESERVATO PER OMNIA
SENTENTIA AC IVRIS PRIVILEGIO EIVSDEM APOSTOLICA
SEDIS, ET SALVA DEFFINITIONE , AC CONFIRMATIONE
EXPECTATA VESTRA DISCRETIONIS , ATQVE AUTORI
TATIS. Et inferius ; *Quæ verbis, & scriptis mihi per istum Religio*
sum Archiepiscopum exinde sequenda atque tenenda mandaveritis , pro sci
re , & posse , obedire & conservare curabo , sicut hactenus ea , quæ inde sue
rant statuta , & confirmata servavi. Et alia multa his similia. Idem
satis professus antea fuerat , à Benedicto III. & ab eodem
Nicola confirmationem Concilii Sueffionensis 2. in quo Cle
rici illi depositi fuerant , postulans , & per subreptionem
obtinens , ut Nicolaus epistola 46. quæ est ad Episcopos Con
cilii Sueffionensis 3. scribit. quæ confirmationes habentur
apud Sirmundum tom. 3. Concil. Gall.

6. Imò ipsiusmet Rothaldi occasione scripserat ad eundem
Nicolaum ; Nullam possemus habere verecundiam de restitutione illius , si
foret facta à vestri summi Pontificatus pietate , quia omnes senes cum junioribus
SCIMVS NOSTRAS ECCLESIAS SVBDITAS ESSE ROMANÆ
ECCLESIAE , ET NOS EPISCOPOS IN PRIMATV B. PETRI
SVBIECTOS ESSE ROMANO PONTIFICI tom. 2. epist. 17.

C A P U T V.

De contentionibus Hincmari cum summo Pontifice occasio
ne Hincmari Laudunensis , & Regni Lotharii.

1. **A**nno 869. Hincmarus Archiepiscopus Remensis ne
potem suum etiam nomine Hincmarum Episcopum
Laudunensem , cui erat infensus , in Concilio apud Verme
riam deponi facere conabatur , sed ille ad Sedem Apostoli
cam appellavit. Hadrianus II. Papa pluribus litteris urgebat ,
ut Laudunensis Romanum accederet , sed non obtinuit. Hic
rursus in Concilio apud Attiniacum anno 870. accusatus rur
sum ad sanctam Sedem appellavit. 3. iterum accusatus in Con
cilio Dusiaciensi anno 871. Episcopali gradu dejectus est. Nar
rat ipse in libello proclamationis , quem Joanni Papæ VIII.
obtu-

obtulit, quomodo fuerit ad hanc Synodum perductus, quam acerbè in ea tractatus, & ab Officio Episcopali remotus, deinde in exilium missus, ferro vincitus, ac denique oculis privatus.

2. Instituit vehementer Hadrianus, ut miserabilis ille Präful, & ejus Accusatores Romam venirent. Sed mortuo illo Pontifice, Joannes VIII. ejus successor deceptus litteris Caroli Calvi, Hincmaro Remensi, qui, ut conjicere licet, verus erat carum autor, scripsit, ut in Ecclesia Laudunensi alius ordinaretur Episcopus. Sed congregato ab eodem Pontifice Concilio Tricassino anno 878. Hincmarus Laudunensis libellum obtulit, quas, à Patruo præsertim, injurias perfessus fuerat, enarrantem. Quare summus Pontifex, veritate cognita, ei Ordines exercere, ac etiam cæco Missam celebrare, nec non partem reddituum Ecclesiae Laudunensis retinere concessit, quo auditio ejus anniici ad Ecclesiam eum duxerunt, & Benedictionem populo dare coegerunt, ut refert Continuator Aymoin. lib. 5. cap. 37.

3. Circa depositionem Episcopi Laudunensis duæ potissimum contentiones inter summum Pontificem, & Hincmarum Remensem exortæ sunt. Prima quod Laudunensis maiorem quam par esset autoritatem tribueret epistolis, quibus se tuebatur, quæque à veteribus Pontificibus scriptæ dicebantur, quæ de re in primo libro, & infra cap. 6. Secunda quod post interpositam appellationem ad sanctam Sedem depositus fuisset: Contendente Remensi non valere appellationem à Judicibus electis, quod cap. 4. confutavimus.

4. Cùm anno 869. Lotharius Austrasiæ Rex deceperisset, Hadrianus Papa scripsit ad Proceres ejus Regni, ut fideles essent Imperatori Ludovico, Lotharii fratri, & ad Proceres, & ad Episcopos Regni Caroli Calvi, ut eum ab invadendo prædicti Lotharii Regno deterrerent. Scripsit etiam seorsim Hincmaro Archiepiscopo Remensi, ut operam suam interponeret, ne quis editionem illam usurparet. At verò Hincmarus qui Caroli Calvi ope Archiepiscopatum Remensem retinuerat, à quo eum Lotharius senior junioris Pater, & Episcopi in istius Regno constituti, deturbare conati fuerant, ut illic reponeretur Ebbo, quique Carolum in multis, iisque

116 TRACTATVS DE LIBERTATIBVS,
gravibus negotiis, propitium expertus fuerat, partes ejus se-
qui maluit, cumque Regem illius Franciæ portionis, quam
Lotharius Junior obtinuerat, coronavit in Synodo Metensi
Quintò Idus Septembris anno 869. quæ Synodus Prælatoria
dicta est, quod in justè usurpatum à Carolo Lotharii Regnum
non dubitaretur.

5. Hadrianus eam coronationem, apertam justitiæ viola-
tionem, & suarum litterarum contemptum interpretatus,
aliis Epistolis Carolum increpuit, quod Lotharii Regnum
invalisset, & Sedis Apostolicæ Legatos contempnisset, man-
davitque ut Regno illo excederet, & alios Legatos benignè
fusculperet: Episcopos, & Proceres Règni Caroli hortatus
est, ut cum ab illa usurpatione revocare conarentur; sed
præsertim Hincmarum Remensem arguit, quod Regem à
pervasione illa non avertisset, nec sibi rescripsisset, cumque
rursus hortatus est, ut in id munericum incumberet; præcipiens
ut si Rex parere recusaret, ab eo recederet: Si, inquit,
in obstinatione sua persidia Rex post vestram conventionem persistere maluerit,
quam respicere, ab illius vos consortio sequestrare; si Communione nostra vultis
esse participes. Respondit Hincmarus epist. 41. tom. 2. edit. Sir-
mond. Carolum asserere illam sibi Regni partem à Patre Lu-
dovico datam, & à Lothario Imperatore confirmatam, at-
que adeò ut suam assumere, non ut alienam rapere; nec
contrarium per confessionem, aut convictionem constare;
Reverentia vestra debita humilitate respondebo; quoniam eti ita esse, ut scri-
bitis, scirem, cum ipse Rex Carolus ita esse non confiteatur: nec vel legali,
vel regulari judicio inde convictus appareat, & multis attestantibus fateatur hanc
Regni partem sibi à Patre Ludovico Augusto consensu tam Episcoporum, quam
ceterorum Procerum totius Imperii traditam, & à fratre Lothario Sacramento
publicè confirmatam, sequendum tamen mihi arbitrarer quod premisso judicio
dicit Africanum Concilium, ut magis caveat Episcopus, ne dicat in quemquam
quod aliis documentis convincere non posset.

6. Cumque aliunde nec à sua Urbe abesse posset Hincma-
rus, nec Carolo subsidia denegare, rogabat Pontificem, ut
mandatum revocaret: Quæ, inquit, ut non ad accusandum, sic nec
ad excusandum in advocatione prefati Regis, statim enim habet, deponit,
NEC AD RESISTENDVM VESTRÆ AVTORITATI, SED CON-
SYLENDVM qualiter nos Episcopi, & ego præcipue, in quem tantam con-
misa

minationem intentatis, erga Regem nostrum gerere debamus. Quapropter Domine Pater Reverendissime consulite secundum privilegiorum sedis vestre subjectioni nostre, ne talia nobis cuiuscumque suggestione mandetis, unde inter Episcopalem autoritatem, & Regalem potestatem, inter Ecclesiam, & Rempublicam scandalum posse oriri. An negotium ulterius cum Hincmaro processerit, antiqua monumenta non docent. Sólida fortassis visa est illi Hincmari ratio.

C A P U T V I.

Quā ratione Hincmarus libertates Ecclesiae Gallicanæ defendisse videatur.

1. IN negotiis, quæ suprà retulimus non ita laudabiliter se gessit Hincmarus Remensis, ut Ecclesiae Gallicanæ glorandum sit talem habuisse suarum libertatum defensorem. Sed hanc illi Prælato laudem tribui puto, quod Canonum autoritatem Summorum Pontificum Decretalibus prætulisse videatur, eoquæ prætextu tam pertinaciter suorum consiliorum executionem prosecutus sit, prohibentibus licet Romanis Antistibus.

2. Accrimè quidem Canonum executionem prosequi vi-
fus est, sed nescio an laudandus sit in eo ejus zelus. Ut enim
propriæ securitati consuleret, aut fortè livori faceret satis,
Canones, quos desideriis suis accommodabat, observari perti-
naciter postulabat. Præcipuum ejus studium fuit circa Cano-
num Africanum prohibentem appellations à Judicibus, quos
partes elegissent; quia scilicet hæc appellations prohibito,
quam, ut diximus cap. 4. perperam affingebat Concilio Afri-
cano, viam omnino præclusisset Ebbone, ne propriam Se-
dem resumeret, & ab ea ipsum Hincmarum sibi suffectum ex-
pelleret; Rothaldum, qui cum aliis Episcopis, & Lothario
Imperatore Ebbonem restituerat post mortem Ludovici Pii,
quemque idem Hincmarus déponendum curaverat, Clericos
item ab Ebbone post suam restitutionem, & antequam rursus
deponetur, ordinatos, atque urgente Hincmaro dejectos,
omni spe recuperandi gradus privasset, eo quod Judices, à

P 3

quibus